

الأيام

فرقت بينا الأيام
مع إننا حاولنا
منبعدش يوم عن بعضينا
ضيعت مننا الغرام
ضيعت حينا
وإزاي حترجع ليالينا
خلاص خلاص الكلام
ملوش لازمة الملام
دلوقتي لازم ننسى حينا
وتبتعد خطاويننا..
قالوا الزمان بينسي
مفكرتش
إننا نقدر ف يوم ننسى الهوا

قالوا الفراق بيقسي

مصدقتهش

إننا نقدر نعيش لو مكناش سوا

وبعد الفرقة ف لقانا

لقيت البعد نسّانا

حتى أسامينا..

صحيح كنا زمان

عاشين لبعض

وكان معانا الزمان

ولا يوم عرفنا البعد

لكن دلوقتي نتمنى

البعد ما بينا يستنى

وبنقول يا زماننا نسينا..